

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3609 del 14/12/2021

Traduzione in ladino

Calandèr Euregio 2022: Tirol, Sudtirolo e Trentin coche i li veit i sentadins

Imagines maraveuses, consees per la raides e n viac “petrignous” per i più picoi per cognoscer l’Euroregion Trentin, Sudtirolo, Tirol. L’è stat publicà enche chest’outa l calandèr de fotos de l’Euroregion che per l 2022 l porta dant n percors spettacolous tel mond de la besties, de la piantes e del paesaje dal post. L calandèr l’è metù adum da 48 fotos, fates da 35 engaissé de fotografia de duta la pèrts de l’Euroregion, che l’Ofize de l’Euroregion l’à cernù fora anter più che 2.000 imagines portèdes dant. I argomenc de chest an i é semper dassen desvalives, se pel veder la picola gejia de Sèn Valantin co la veduda sul Scilier, l spiz del Santner da vejìn a Sousc, retrac da marevea de besties toutes jù col drone, l chiosch del Dom de Persenon, de gran valor culturèl e storich e situasions da mont di trei raions de l’Euroregion.

Consees per la raides tel format video

Aldò de la sajons, se pel troèr enche consees per raides te lesc storics e de cultrura de gran emportanza desche l spazie comemoratif de Ansdres Hofer a Manotova, Castel Heinfels tel Tirol de l’Est e l’usanza te la nets tipiches del Klöckeln tel Sarntal, i video de inforamzion en cont de ogne raida se pel i troèr tras codesc QR sul sit web Euroregion.

Per i bec: L’ègua Tiri e l’amica Anna.

Per i più picoi, l calandèr de fotos Euroregion 2022 l porta dant n viac per cognoscer l’Euroregion dessema co l’ègua Tiri e sia amica Anna. La adventures di doi personajes les é tel liber da encolorir EuroregionFamilyPass.

Olache se pel se tor l calandèr

Tel Trentin l vegnarà dat fora tras i ofizies de la Provinzia autonoma de Trent sparpagné fora sul teritorie, te l’ofize per l’informazion de Piazza Dante e te la senta neva de Casa Moggioli, olache i utenc i podarà se tor l calandèr enschin a canche n’è, e cerner anter chel da tachèr sù o chel da desch.

I calandères i sarà a la leta da en lunesc ai 13 de dezember. Chiò enjontà la lingia di lesc tel Trentin olache se podarà tor l calandèr coi oraries de referiment.

Tel Sudtirolo vegnarà dat fora l calandèr enschin che n sarà a la leta, te duc i distrec sanitères. A la stazion de la ferata de Busan l calandèr l’è stat dat fora debant a duc i viajadores de la ferates ai 7 e ai 9 de dezember.

Se pel veder l calandèr dantfora su:

Calandèr da tachèr sù: <https://bit.ly/EuregioWandkalender2022>

Calandèr da desch : <https://bit.ly/EuregioTischkalender2022>

Traduzion di Servijes Linguistics e Culturèl del Comun general de Fascia

(Traduzione a cura dei Servizi Linguistici e culturali del Comun general de Fascia)

(cdt)